

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA : 4(B)(XV)2

**SOALAN BERTULIS OLEH AHLI KAWASAN BAYAN LEPAS
YB. AZRUL MAHATHIR BIN AZIZ**

2. KADUN Bayan Lepas terletak di dalam Daerah Barat Daya yang mana sebuah daerah yang tidak mempunyai Projek Perumahan Rakyat (PPR) dan rumah TRANSIT.
 - (a) Adakah Kerajaan Negeri bercadang untuk mewujudkannya bagi membantu penduduk yang miskin dan kurang mampu, terlibat dengan bencana atau dihimpit dengan pembangunan dapat memiliki tempat berteduh?

**YB. JAGDEEP SINGH DEO A/L KARPAL SINGH
MENJAWAB BAGI PIHAK Y.A.B. KETUA MENTERI**

2. Pelaksanaan projek Projek Perumahan Rakyat (PPR) yang merangkumi proses pemilihan tapak, permohonan peruntukan dan kerja pembinaan adalah di bawah tanggungjawab Kerajaan Persekutuan melalui Kementerian Perumahan dan Kerajaan Tempatan (KPKT). Kerajaan Negeri berperanan menguruskan pengisian, penyelenggaraan dan kutipan sewa bermula dari tarikh projek diserahkan oleh KPKT.

Kerajaan Negeri sememangnya sedar bahawa adanya permintaan bagi pembangunan PPR untuk menampung keperluan perumahan bagi penduduk di bawah paras garis kemiskinan di Daerah Barat Daya. Dua (2) lokasi berpotensi telah dikenal pasti untuk pembangunan PPR di Daerah Barat Daya iaitu:-

- (i) Sebidang tanah di Jalan Mayang Pasir berhampiran Lot 8471, Mukim 12 seluas 7.82 ekar milik Kerajaan Negeri; dan
- (ii) Lot 705, Mukim 6 Daerah Barat Daya di Jalan Chai, Titi Teras berdekatan PBA Balik Pulau seluas 4.83 ekar milik Pesuruhjaya Tanah Persekutuan.

Dalam pada itu, golongan berpendapatan rendah di daerah tersebut masih boleh menerima manfaat daripada pelbagai skim bantuan lain yang disediakan oleh Kerajaan Negeri melalui Agenda Ekonomi Saksama (AES).